

吉林通志



吉林通志卷五十二

武備志三 兵制三 練軍



吉林練軍之興專為勦辦馬賊而設也同治六年署將軍阜保始發其議六年將軍富明阿奏准就通省內外各城額兵西丹選練馬隊千名厥後遞有增裁光緒三年規制始備計馬隊二千零四分為七起每起分為四紮蘭步隊七百有奇以紮蘭分者四為數四百六十有九洋槍隊一百九十有八擡槍隊四十有七皆以全營翼長統之共二人其下有文案翼長一人總理人二人會辦人一人辦事官人一人統領人二人委營總人十四委參

領五十人委防禦五十人委驍騎校六十人委筆帖式二十人

委官六十人委員十八人書手三十人貼寫各名目凡九十

八人其為將軍親兵不隸於翼長者則有吉勝營馬

步隊一百八十有六馬隊五十步隊驍勇營步隊二

百一十有二以營官三人統領一人統之其下有辦事官

二營官三人哨官十四人哨長二人什長四十人字識八人各名

目凡七十六人都凡員弁兵勇三千五百有奇其大

較也其分駐各城鎮自一二十人至數十百人皆零

星散布雖備多力分得失互見而關津隘塞足資控

扼者亦藉以有考焉今據光緒十七年報銷冊詳著

於後

吉林城

全營翼長二員

將軍檄知兵者任之責以通省軍事光緒三年設

書手六貼

寫六

原設有營務翼長一委員六書手貼寫各四光緒十六年奏裁

文案翼長一員

凡文告一切主之光緒三年設

委員六效力委員五

書手二貼寫十

糧餉處總理一員

凡練餉出入主之光緒三年設

委員四書手十八

貼寫一

發審局總理一員會辦一委員三辦事官一書手七

貼寫十五

據冊報下皆同

以上各員名將軍於奏留候補投效人員內隨時  
檄委辦事官委員書手貼寫人數多寡隨時酌派  
無定員今據光緒十六年奏銷冊

城內駐紮頭起四紮蘭馬隊 委參領委防禦委驍

騎校各一委筆帖式二委官一兵丹四十五

練軍官  
兵馬步

隊駐紮會城各外城處所  
據光緒十六年二月奉案

二起二紮蘭馬隊 委參領委防禦委驍騎校委官  
各一兵丹四十五

二起三紮蘭馬隊 委參領委防禦委驍騎校委官

各一委筆帖式二兵丹四十三

三起頭紮蘭馬隊 委營總委參領委防禦委驍騎

校委官各一委筆帖式二兵丹四十三

三起二紮蘭馬隊 委參領委驍騎校各一兵丹二

十五

三起三紮蘭馬隊 委參領委防禦委驍騎校委官

各一兵丹四十五

三起五紮蘭馬隊 委參領委防禦委驍騎校委官

各一兵丹四十五

四起四紮蘭馬隊 委參領委防禦委驍騎校委官

各一兵丹四十五

五起二繫蘭馬隊 委參領委防禦委驍騎校委官

各一兵丹四十五

擡槍營步隊 委參領委防禦委驍騎校委官各一

兵丹四十七

吉勝營 光緒三年設 步隊 營官辦事官各一字識三馬

隊哨官一步隊哨官二步隊哨長二馬隊什長五步

隊什長十馬勇五十步勇九十

驍勇營 光緒四年設 左營步隊 哨官二什長五步勇四

十六

右統領委營總委參領管帶官辦事官哨官委筆

帖式委防禦委驍騎校委官哨長什長兵丹馬步

勇六百九十一員名

軍器 全營翼長快槍二十桿後膛槍五桿 統領

後膛槍五桿 頭起練隊洋礮二百二十八桿鳥槍

十八桿 二起練隊洋礮二百二桿鳥槍四十一桿

長矛三桿 三起練隊洋礮二百三桿 內歸併隊伍繳回四十三

桿 四起練隊大小洋礮一百六十二桿鳥槍二十

一桿長矛十二桿 五起練隊洋礮二百十三桿鳥

槍三十七桿 六起練隊洋礮一百四十六桿鳥槍

二十桿擡槍四桿長矛三十六桿 七起練隊洋礮



一百四十四桿烏槍四十五桿長矛十一桿 洋槍

隊左翼銅礮一尊鐵礮三尊礮車四輛洋槍二百桿

內繳回洋槍七桿

右翼洋槍一百桿 擡槍隊擡槍二十

五桿 吉勝營洋槍一百二十五桿快槍三十桿長

矛二十桿 驍勇營洋槍二百六十二桿擡槍十二

桿

按練軍七起洋槍隊擡槍隊吉勝營驍勇營有分駐外城者其軍器則全載於此

蘇瓦延站

會城西二百里

駐紮頭起口紮蘭馬隊

委參

領委防禦委驍騎校委官各一兵丹四十五

伊通州城內駐紮頭紮蘭馬隊 委參領委防禦委

驍騎校委官各一兵丹三十七

伊巴丹站 伊通州城東距會城二百五十里 駐紮二紮蘭馬隊 委

參領委防禦委驍騎校委官各一兵丹三十八

大孤山 伊通州城西三十五里東距會城三百里 駐紮四起二紮蘭馬隊

委參領委防禦委驍騎校委官各一兵丹四十五

大南屯 距伊通州城六十里東南距會城一百六十里 駐紮六起口紮蘭馬

隊 委參領委驍騎校各一兵丹二十五

放牛溝 距會城一百八十里 駐紮六起口紮蘭馬隊 委防禦

委官各一兵丹二十

赫爾蘇站 伊通州城西九十里東 駐紮四起頭紮蘭

馬隊 委營總委參領委防禦委驍騎校委官各一

委筆帖式二兵丹四十二

葉赫站 伊通州城西一百九十里 駐紮四起三紮蘭

馬隊 委防禦委驍騎校各一兵丹二十 蓮花街分駐此

蓮花街 伊通州城西二百五十里 駐紮四起三紮蘭馬

隊 委參領委官各一兵丹二十五

尤家屯 會城東九十里 駐紮七起頭紮蘭馬隊 委營總委

防禦委驍騎校委官各一委筆帖式二兵丹四十三

煙箏山 舊名呼蘭山會城南九十里 駐紮頭起三紮蘭馬隊 委

防禦委官各一兵丹十九

樺皮廠

會城西北九十里

駐紮三起二紮蘭馬隊

委防禦

委官各一兵丹二十

雙岔河

會城東九十里

駐紮六起四紮蘭馬隊

委參領委

驍騎校各一兵丹二十五

木石河

一名穆書河會城西北一百二十里

駐紮二起二紮蘭馬隊

委防禦委官各一兵丹十七

雙河鎮

距會城一百二十里

駐紮頭起三紮蘭馬隊

委參領

委驍騎校各一兵丹二十六

岔路河

東距會城一百二十里

駐紮頭起頭紮蘭馬隊

統領

一委營總委參領委防禦委驍騎校委官各一委筆

帖式二兵丹四十三

其台木

會城北一百二十里

駐紮二起口紮蘭馬隊

委參領

委驍騎校各一兵丹二十六

常山屯

會城西南一百三十里

駐紮洋槍步隊左翼頭紮蘭

委參領委防禦委驍騎校委官各一兵丹五十

橫道河子

會城西南一百五十里

駐紮洋槍步隊左翼二紮蘭

委營總委參領委防禦委驍騎校委官各一委筆

帖式二兵丹四十九

拉法站

會城東一百六十里

駐紮六起四紮蘭馬隊

委防禦

委官各一兵丹二十

法特哈邊門

會城北一  
百八十里

駐紮二起頭紮蘭馬隊

委

營總委防禦委驍騎校委官各一委筆帖式二兵丹

四十三

蛟河

會城東南一  
百八十里

駐紮烏拉二紮蘭馬隊

委參領

委防禦委驍騎校委官各一兵丹四十四

退搏站

會城東一  
百八十里

駐紮洋槍步隊右翼四紮蘭

委

參領委防禦委驍騎校委官各一兵丹五十

水曲柳崗

會城東北一  
百八十里

駐紮七起口紮蘭馬隊

委

參領委驍騎校委官各一兵丹三十五

張廣才嶺 即嵩嶺會城 駐紮洋槍步隊右翼三紮蘭

委營總委參領委防禦委驍騎校委官各一兵丹

四十九

額穆赫索羅 距會城二百里 駐紮馬隊 委參領委防禦

委驍騎校委官各一兵丹四十七

五常堡 距會城三百五十里 駐紮馬隊 委參領委防禦委驍

騎校委官各一兵丹六十三

五常廳駐紮七起二紮蘭馬隊 委防禦委官各一

兵丹二十 槍坡子分駐此

山河屯 五常廳城南九十里西 駐紮烏拉頭紮蘭馬

隊 委參領委防禦委驍騎校委官各一兵丹四十

四 驍勇中營步隊 統領一哨官三辦事官一字

識二什長七步勇六十二

珠琪河

在五常廳城西南距會城三百八十里

駐紮驍勇中營步隊

什長一勇十

向陽山

距五常廳城一百十里會城四百二十里

駐紮驍勇左營步隊

營官一哨官二字識一什長五步勇四十七

小山子

距五常廳城一百里西南距會城四百五十里

駐紮驍勇右營步隊

營官一哨官四字識二什長十步勇九十三

右統領委營總委參領營官哨官辦事官委筆帖



式委防禦委驍騎校委官字識什長兵丹步勇一

千三百九十員名

練軍駐紮府廳州縣所屬者除伯都訥廳賓州廳列各副都統

專城之下餘皆列於吉林城

### 甯古塔城

城內駐紮頭紮蘭步隊

委營總一委參領二委防

禦委驍騎校委官各一委筆帖式二兵丹六十

二道河子

城西北二百里

駐紮四紮蘭步隊

委防禦委

驍騎校各一兵丹十五

雙石碓子

城南一百二十里

駐紮二紮蘭步隊

委防禦委

驍騎校委官各一兵丹三十七

穆楞河

城東三百六十里

駐紮三紮蘭步隊

委防禦委官

各一兵丹十一

瑚佈圖卡倫

城東南六百八十里

駐紮三紮蘭步隊

委參領

委驍騎校委官各一兵丹二十九

烏扎庫邊卡

城東北三百六十里

駐紮二紮蘭步隊

委參領

委官各一兵丹十八

軍器 洋礮一百八十桿

右委營總委參領委防禦委驍騎校委官兵丹一

百九十員名

伯都訥城

城內駐紮三紮蘭馬隊 委參領委防禦委驍騎校

委官各一兵丹二十六

石頭城子

在城南距會城四百里

駐紮頭紮蘭馬隊

統領委

參領委驍騎校委官各一委筆帖式二兵丹四十

又三起口紮蘭馬隊委防禦一兵丹十四

遜扎保站

南距會城四百里

駐紮頭紮蘭馬隊

委營總

委筆帖式委官各一兵丹三十四

由石頭城五顆樹分駐此

浩色站

南距會城四百里

駐紮二紮蘭馬隊

委防禦一

兵丹十

由石頭城遜扎保分駐此

五顆樹

南距會城二百里

駐紮二紮蘭馬隊

委參領委

防禦委驍騎校各一兵丹二十八

孤榆樹

即廳城西南距會城二百七十里

駐紮五起頭紮蘭馬隊

委營總委防禦委驍騎校委官各一委筆帖式二兵

丹四十三

八號

在城口南距會城三百二十里

駐紮三起頭紮蘭馬隊

委參

領委驍騎校委官各一兵丹二十九

四合城

距會城三百二十里

駐紮七起三紮蘭馬隊

委參領

委防禦委驍騎校各一兵丹三十五

土橋子

南距會城二百九十里

駐紮七起四紮蘭馬隊

委參

領委防禦委驍騎校委官各一兵丹四十五

登伊勒哲庫站

距會城二百四十里

駐紮五起四紮蘭馬隊

委參領委防禦委驍騎校委官各一兵丹四十五

長春嶺

距會城六百里

駐紮六起三紮蘭馬隊

委參領委

防禦委驍騎校委官各一兵丹四十五

軍器 洋礮六十八桿快槍二十三桿

右統領委營總委參領委筆帖式委防禦委驍騎

校委官兵丹四百三十六員名

三姓城

城內駐紮二紮蘭步隊

統領一

管帶馬步隊

委營總二

馬隊一員

步隊一員

委參領委防禦委驍騎校委官各一兵丹

四十二

土城子 在城南一 駐紮二紮蘭步隊 委參領委防

禦委驍騎校委官各一兵丹四十

崇古爾庫站 在城西北一 駐紮三紮蘭馬隊 委參

領委防禦委驍騎校委官各一委筆帖式二兵丹三

十九

釣魚臺 在城東南一 駐紮二紮蘭步隊 委參領委

防禦委驍騎校委筆帖式委官各一兵丹四十二

佛斯亨站 東距城三十里 駐紮頭紮蘭步隊 委參領委防

禦委驍騎校委官各一兵丹四十二

太平溝

西距城三百八十里

駐紮四紮蘭步隊

委參領委防

禦委驍騎校委官各一兵丹四十三

樺皮溝

西北距城四百二十里

駐紮頭紮蘭步隊

委參領委

防禦委驍騎校委官各一兵丹四十三

右統領委營總委參領委筆帖式委防禦委驍騎

校委官兵丹三百二十六員名

阿勒楚喀城

城內駐紮五起馬隊

統領一委營總一委參領委

防禦委驍騎校委官委筆帖式各三兵丹一百四十

八

軍器 洋礮一百二十桿

賓州廳城駐紮六起頭紮蘭馬隊 委營總委防禦

委驍騎校委官各一委筆帖式二兵丹四十三

軍器 洋礮一百二十桿

康家鑪 在拉林城東距會城四百三十里 駐紮頭紮蘭馬隊 委參

領委防禦委驍騎校委官各一兵丹三十九

韓家店 在拉林城西距會城四百二十里 駐紮二紮蘭馬隊 委參

領委防禦委驍騎校委官各一兵丹三十九

鑲黃旗四屯 雙城堡西北九十里 駐紮頭紮蘭馬隊 委參領

委防禦委驍騎校委官各一兵丹三十九



東所

雙城堡東  
三十里

駐紮二紮蘭馬隊

委參領委防禦

委驍騎校委官各一兵丹三十九

軍器 洋礮九十桿

右統領委營總委參領委筆帖式委防禦委驍騎

校委官兵丹三百八十六員名

附練軍增裁舊案

練軍裁併冊報略而不詳其弁兵  
數目與現存者多不符合蓋軍非

經制時有更張姑以  
其可考者附於後簡

同治六年奏准練馬隊千名七年裁百有五十四十

二年增馬隊二百設統領營總參領以下各委官三

十三十三年設擡槍營步兵百以營總統之光緒元

年二年先後增馬隊千有四百步隊二百又增營總  
參領以下各委官四十有八連原練馬隊共馬步官  
兵三千有二十八

擡槍步兵  
數在外

二年七月將甘肅出征

馬隊二百有五留吉防勦爲吉林客隊又設親軍馬  
隊官兵百有三又設洋槍隊步兵二百以參領統之  
嗣仿奉天沒溝營章程增統領號令官分教官營總  
營官帶隊官督隊官諸員九月將吉林客隊歸併續  
增練隊內十月裁營總一三年將親軍歸併續增練  
隊內是年擡槍營增參領防禦驍騎校各委官四年  
裁洋槍營統領以下各員增參領防禦驍騎校筆帖

式各委官改如練隊制

據光緒十年檔冊

十一年裁馬步勇

二百十名

據光緒十年檔冊

吉勝營光緒三年設統領一幫帶官書手均一隊官

四什長十步勇長夫十馬勇步勇均五十光緒四年

裁統領五年復設統領裁幫帶官六年增隊官一書

手二什長長夫均五步勇五十九年裁統領增管帶

官辦事官均一

據光緒十年檔冊

十七年裁管帶官設營官

一以隊官為哨官

馬隊一步隊四

改書手為字識設哨長五

增步隊什長十增步勇八十長夫十

據光緒十七年檔冊

驍勇營光緒四年設營官二隊官十二書手六什長

長夫均三十步勇三百五年增統領一七年改統領

爲幫帶官九年裁幫帶官仍設統領增辦事官一

據光

緒十年  
檔冊

十七年裁隊官十二設哨官哨長各十改書

手爲字識增什長二十步勇二百五十長夫二十伙

夫二十五

據光緒十七年  
檔冊

吉林盜風起於東南軍興之際而莫熾於同治之初

同治四年將軍阜保奏吉林通省東西四千餘里南

北二千餘里旣無險要亦無城池省會舊有土垣年

久倒壞伊通河長春廳伯都訥阿勒楚喀等處山深

林密地廣人雜加以圍場禁山一帶西通奉天

興京北接黑龍江省南跨長白而外直達朝鮮遼闊奧  
衍勢難稽查盜賊充斥素爲逋逃之藪兵至則藏兵  
退則出此拏彼竄豕突狼奔窮追則路僻未諳分防  
則力難兼顧此地勢之難以控制也吉林全省額兵  
一萬一百五名自軍興以來征調頻仍死傷相繼數  
已逾萬現查存營兵數不過四千餘名半屬傷殘難  
以驅策爲數本屬無幾又復星散各城卽如琿春孤  
懸海隅逼近俄界與池北之甯古塔三姓一帶皆爲  
濱海門戶必須重兵戍守斷難一日撤防三處又去  
兵二千餘名其餘各屬或百餘名或數十名省城十

旗雖有一千餘名除去一切差事外亦止三四百名  
至西丹蘇拉閒散稱名雖異實則同一餘丁除調軍  
營及補兵額老者不堪差遣幼者尙未長成外所存  
本已無多可用更屬無幾况各兵丁近因領餉支絀  
率皆屯居務農倉猝有事不能一呼卽至此兵力之  
過於單薄也吉林俸餉每歲三十餘萬咸豐初年度  
支維艱卽已解不足數近更寥寥不及十分之一惟  
恃本省自爲經理凡雜稅日捐釐捐減平扣成折錢  
搭鈔東挪西湊挹彼注茲每歲尙虧七萬餘兩其在  
平時猶形踟蹰蹙然遇事實難措施同治元年勦辦

黑背山匪各處籌墊捕費迄今數載尙屬懸虧且近  
派捕盜官兵日支口分抹兌票錢三百文取到實錢  
不過二百數十文僅資餬口而部文猶止准月給餉  
銀一兩五錢以現在銀價每兩易京錢二千三百有  
零計之每兵每日僅約制錢五十餘文若遵部議則  
日給不足枵腹斷難從公不遵部議則事竣難銷用  
項從何彌補此餉糈之無從籌畫也兵事追奔乘騎  
不可無馬吉林兵丁名爲馬隊實無馬匹馬乾同治  
二年將軍景綸始經奏請籌款購馬一千匹分散各  
城月給口糧轉交佐領下喂養以爲捕盜巡邊之用

巡緝旣久疲乏漸多徒有虛名難期得力近來緝捕  
往往兵方馳至賊已遠逃縱復窮追跟蹤不及若再  
倒斃一時買補更難馬匹之不足又如此兵貴紀律  
統帶在乎得人調度無方必至貽誤謀勇兼備庶幾  
師出有功吉林地處邊疆官多士著雖不乏曾經戰  
陣之士實難選勇略出眾之才吉林副都統五缺除  
阿勒楚喀德英入京外惟三姓副都統富尼揚阿一  
缺實任餘皆調赴軍營時事孔多官司更少人才之  
不足又如此臣日擊時艱統籌大局盜賊一日不靖  
閭閻一日不安伏念該匪等結黨成羣樹旂列隊焚



燒擄掠拒捕抗官揆厥披猖直同叛逆現在忽出忽  
沒尙屬烏合無能誠恐愈聚愈多漸至鳴張莫制吉  
林爲

國家根本重地豈容稍有疎忽自宜及早翦除第滅賊  
必先練兵而練兵必先籌餉旣無帑項可以籌支惟  
有捐輸藉資糜費因查吉林通省鋪商原辦日釐各  
捐每年統計京錢十三萬數百千現擬傳集商民善  
爲勸導按照原額豫交一年經費庶不患拮据官司  
亦無從蔽混餉旣有出事卽可行容當選拔精勇兵  
丁購買肥壯馬匹添雇獵戶嚴整鄉團遴委明幹勇

往之員分起統帶乘秋高木落水潦乾涸之時整旅  
出師一鼓作氣撲賊所向實力窮追賊聚則合兵以  
剿之賊散則分兵以擊之使之不得食息勢必潰散  
奔逃以團練爲各路之應援到處截擊以獵戶爲入  
山之嚮導跟蹤搜拏總期悉數殄除勿使稍留餘孽  
有功者擇尤保舉僨事者按律嚴懲傷亡者予以賞  
恤如此辦理或盜源可清邊疆可靖矣尋於八月二  
十八日奉

上諭均著照所擬辦理該署將軍務當振刷精神廓清邊圉  
但須實心實力不可徒事紙上之談有名無實並著與恩

合會同商酌以清盜源九月十六日阜保又奏言竊念

國家以根本爲重戢盜斯可靖邊軍旅以紀律爲先選

兵不如擇將關外盜匪蜂起勢漸披猖卽如吉林匪

首恚痞李一股起於奉天圍場三道花園地方設立

二寨以爲老巢占據山林號召黨羽糾集旣眾出沒

靡常始則不過五六百人繼則多至一千數百人以

二十一人爲一隊共分七十餘隊有馬二千餘匹置

造旂幟拉運槍礮到處裏脅大肆縱橫滋擾村屯地

方受害焚劫驛站文報不通抗拒官軍直同叛逆由

昌圖而延擾長春由長春而回竄昌圖復奔吉林赫

爾蘇大孤家子等處近又回蒙古和羅站及開原一帶西竄奉吉兩省兵勇勦捕均各失利昨據探報又有邊外盜匪生鐵蛋者三四百名合而爲一愈聚愈多若不迅就翦除必致釀成巨禍該匪等不過烏合之眾而兩省兵勇所以失利者非盡眾寡之不敌多因心力之不齊亦實由於統制之不一何則以兵勦賊兵來而賊已去兵去而賊又來兵合而賊忽分兵分而賊復合賊可沿途搶劫到處有糧兵必列隊遊行赴店造食賊之往來可以自主兵之進退反難自如且近據委員穆克德布稟報該匪等已於本月初

七日由開原清河溝赴英額邊門一帶奔竄入山等情追剿更恐不易雖有獵戶嚮導尤須兵勇跟蹤路徑崎嶇人家稀少晝則無從買食夜則無處棲身勞逸之分勝負之勢本已判然而况節制不專則人心不一人心不一則號令不行號令不行則進退不肅進退不肅則機會誤而氣勢餒矣以一省而論役勇由廳員招募不受旗員約束兵丁係旗員管帶不服廳員指揮臨陣則觀望徘徊僨事則彼此推諉不能同仇偕作斷難師出有功以兩省而論疆界旣判畛域斯存以吉林兵勇入奉天境界則不甚盡心推之

於奉天當復然管轄不及呼應難靈以奉天員弁調  
吉林兵勇則不肯聽命推之於吉林當復然於是東  
擊西逃此拏彼竄賊愈勦而愈熾兵愈久而愈疲糜  
餉勞師收功何日果欲勦捕之得力必先士卒之齊  
心而欲士卒之齊心斷在事權之歸一伏讀

上諭飭令恩合出省督勦並因副都統富平阿已抵新任恩  
合體察商令帶隊勦賊以期得力仰見

聖主簡賢任能之至意惟思該副都統富平阿雖經出師著  
績現任大員勇往有餘而機智不足以之帶隊則可  
期得力以之統制則未必見功不若恩合幹練有爲

勞績素著當日屢經緝捕於兩省地勢兵勢賊勢皆所深悉現又以實任吉林將軍署任

盛京相應請

旨飭令該將軍恩合出省督師專辦剿賊事務所有奉吉兩省兵丁役勇悉聽調遣旗民員弁自副都統同通以下均歸節制其威足以震懾其權足以措施庶幾責有專歸不致人懷疑貳由是四路兜擊不難一鼓殄除三數月間小醜跳梁蕩平可望抑更有請者軍旅旣動則費用不貲馬匹須購也而口糧無論矣鍋帳宜備也而器械無論矣况役勇素無錢糧平居未受

涓滴之恩臨難責以身命之報勢既有所不能不得  
不誘以重利在兵丁率多貧苦當茲風雪天寒之日  
令其馳驅戎馬之間亦恐難以得力不得不給以冬  
衣需費浩繁庫儲告匱前雖擬由眾鋪籌辦勸捐遴  
派多員廣爲開導無如吉林地方清苦捐務頻仍盜  
賊縱橫生意蕭索商力不逮辦理頗難故數十日來  
尙無成效又不便十分逼勒卽該商等急公好義踴  
躍輸將而集腋成裘亦屬緩不濟急查本省應領俸  
餉除籌劃抵扣外尙欠領銀二十餘萬兩惟有仰懇

天恩



飭令戶部在於歷年積欠項下先籌撥實銀五六萬兩迅速

解省以救燃眉臣深知度支短絀籌畫艱難而需餉

孔殷不得不作將伯之請與其日後發百十萬帑金

治之於賊勢旣延之候何如目前費五六萬經費勦

之於亂萌甫啟之時此餉款之急宜豫籌也賞罰不

明則軍心不固今日勦賊槍礮互擊鋒鏑交加對敵

情形直如軍營無異如仍照尋常緝捕辦理役勇旣

愛惜性命難期戮力同心兵丁更顧戀身家未免臨

時畏避勇怯相混功罪莫分遇敵向前者旣無所犒

賞臨陣退縮者反自謂智能必須大示勸懲方足以

資懾服第治罪可按律懲辦而獎功則非財不資口糧尙慮不敷賜給更從何出惟有仰懇

明懸賞罰並請

飭撥帑金奮勇殺賊者獎以軍功巧滑僨事者治以軍法庶幾有徵必信成效可期至於擒獲匪徒除脅從罔治外其餘一經審明卽行正法歸入彙奏免將供招咨部以昭簡易此賞罰之尤宜明定也奏入十月初三日

諭昨據恩合奏報業已出省督兵勦賊所請令該將軍總統奉吉兩省官兵之處恐其力難兼顧著俟德英到吉林副

都統任後會同恩合勦辦阜保請飭戶部酌撥餉銀五六萬兩已令該部如數撥解其後辦理年餘未得要領而練軍之議起六年四月十一日將軍富明阿奏言查吉林通省內外各城官兵多寡不同前於咨劄欽遵辦理時當已均勻分撥共練馬隊官兵一千名應委營總六員分起部署參領二十員各帶一隊除臣富明阿前在神機營練兵每日演打鉛子準頭一次優者酌給獎賞劣者立予責懲並演練馬隊章程悉仍遵照辦理外其餘馬上放槍裝槍或突衝抄截或設伏鬪引一分一合忽進忽退每日辰刻責令營總參

領等官齊集教場授以機式勤加教演總期指揮靈  
動一呼百諾不使拘於成格虛應故事臣等並於每  
月二五八日辰刻親赴教場校閱一次以定官兵優  
劣隊伍是否長進其甯古塔伯都訥三姓阿勒楚喀  
業經責令各該副都統均按每月三六九日親赴教  
場認真校閱雙城堡拉林琿春烏拉等處劄飭該總  
管協領等各按每月一四七日操練惟念此項官兵  
旣已累月經年久長教練而應需鉛丸火藥火繩等  
項爲數甚鉅無款可籌查有通省於春秋二季年例  
演放槍操久已虛應故事除各該管兵等馬步騎射

仍照舊章教習以符定制其餘槍操擬請暫停餘出  
軍火以爲挹彼注茲之需但例操軍火於撥濟練軍  
每年均有不敷現擬另籌備用祇以庫無閒款不能  
不作正開銷並擬俟全軍歸伍通省撤練時每年例  
操再歸舊制再現派統領一員每月支給鹽糧馬乾  
銀八兩委營總六員每員月支鹽糧馬乾銀五兩委  
參領十二員每員月支鹽糧馬乾銀四兩五錢每兵  
一名月支鹽糧馬乾銀三兩其餘委防驍虛銜各官  
每月鹽糧馬乾仍令照依兵丁一律支領以示限制  
從之

吉林通志卷五十三

武備志四 兵制四 靖邊軍

靖邊軍專爲邊防而設光緒六年將軍銘安與三品卿銜吳大澂先後奏請添練防軍馬步隊五千人嗣庫倫辦事大臣喜昌奏請續練五千人喜昌旋以一千人帶赴庫倫吉林實有防軍九千人七年奏裁二千人實以七千人分防甯古塔三姓琿春要隘專設督辦大員卽以吳大澂爲之始立鞏衛綏安及靖邊各軍之名十年吳大澂爲北洋會辦選帶馬步三千人前赴天津其督辦邊防事宜以吉林將軍爲之而

以瑋春副都統為幫辦始時練隊皆湘淮勁勇將軍

希元既兼督辦始募本處西丹以足吳大澂帶往天

津之數並徹去鞏衛綏安名目專以靖邊為名分為

五路嗣後有缺即以旗下餘丁補之於是吉省防營

慮無不西丹者矣幫辦而下有總理人六有隨同辦事

委員十三人差遣委員十七人委員二十人辦事官二十人等

凡八十人其兵則自統領六人以下有營官九人幫帶官

十督隊官二十人書識字識共九十人哨官七十人哨長五十

人什長六百零伙夫六百二馬夫一百十長夫八百三十

五步勇四千一馬勇一千零六凡七千六百餘人水

師則總哨官

一人領哨

一船長

十一人

一號令

四人

一舵工

十五人

頭工

十五人

礮勇

三十人

槳勇

一百三十人

等凡

二百二十三

人

十八人

人都凡七千八九百人歲領部餉銀八十二萬兩亦

歲出一大宗也營制初定仿湘淮軍步隊以五百人

馬隊以二百五十人為一營十一年裁減勇數中前

左右四路並親軍步隊以四百五十人馬隊以二百

二十五人為一營惟後路三營以地要兵單仍如原

定之數云其分駐兵數於各城詳之零星分防之所

未據冊報則亦不得不略也

督辦邊務事宜一員

將軍兼督辦無專員



光緒七年四月

諭現在俄事雖已定議惟念中國邊境與俄毗連必宜慎固封守以爲思患豫防之計吉林之三姓甯古塔琿春等處防務尤關緊要卽著責成吳大澂督辦欽此

十年五月

諭現在吳大澂會辦北洋事宜所有甯古塔等處事宜統歸希元督辦欽此是年七月將軍希元疏稱現在督辦既蒙

恩派本省實缺之員事體稍異嗣後凡列銜下行之文擬書曰督辦吉林邊務事宜

從之

邊務文案總理一員

凡章疏文檄主之

會辦一員隨同辦事

委員二員差遣委員一員辦事官二員委員六員書

識十八名

邊務糧餉總理一員

凡轉輸糧仗主之

隨同辦事委員二員

差遣委員二員辦事官二員委員二員書識十五名

邊防營務總理一員

凡調軍設防上承督辦而行

會辦一員差遣

委員四員辦事官四員委員七員書識十四名

邊務承辦委員二員書識六名

按文案糧餉營務三總理以下各員名均隨督辦

各治其事於會城皆光緒十年設是年又設邊防  
軍械轉運總理一員辦事委員六員差遣委員五  
員書識七名十六年裁

幫辦邊務事宜一員

琿春副都統兼  
幫辦無專員

光緒十年五月

諭琿春副都統依克唐阿著隨同希元幫辦吉林一切事

宜欽此是年七月將軍希元疏稱幫辦吉林一切事宜

原專指邊務而言與將軍所轄各城之旗務通省之

民務自不相涉嗣後凡列銜下行之文擬書曰幫辦

吉林邊務事宜

從之

幫辦行營文案總理一員會辦一員隨同辦事委員  
二員差遣委員二員辦事官一員委員二員書識十  
六名

幫辦行營營務總理一員會辦一員隨同辦事委員  
一員差遣委員二員辦事官三員委員二員書識十  
四名

俄文書院洋教習一員醫官一員醫生一名  
俄羅斯通事一員朝鮮通事一員

按幫辦文案總理幫辦營務總理以下各員名暨

洋教習通事各員均隨幫辦各治其事於琿春城

光緒十年設

吉林城

親軍中營步隊

駐紮城內

統領

兼營官

一員隨同辦事委員一員差遣委員一員

辦事官一員哨官五員哨長五員什長五十名步勇

四百名伙夫四十六名長夫二十四名搬運長夫四

十名

親軍右營步隊

原紮甯古塔後調紮會城

營官一員辦事官一員字識一名哨官五員哨長五

員什長五十名步勇四百名伙夫四十六名長夫二十四名搬運長夫四十名

親軍左營馬隊

住紫松花江南岸

營官一員幫帶官二員字識一名哨官四員督隊官五員什長二十五名馬勇二百名伙夫三十一名馬夫二十二名搬運長夫二十名

後路左營馬隊

原紫三姓後調會城分紫法特哈門一帶

營官一員幫帶官二員字識一名哨官四員督隊官五員什長二十五名馬勇二百二十五名伙夫三十一名馬夫二十二名搬運長夫二十名

後路右營步隊

原紮三姓後調會城分紮東山八家子一帶

營官一員辦事官一員字識一名哨官五員哨長五

員什長五十名步勇四百五十名伙夫四十六名長

夫二十四名搬運長夫四十名

右統領營官辦事差遣各委員辦事官哨官哨長

書識什長正兵伙夫長夫大凡二千四百十七員

名

甯古塔城

左路中營步隊

駐紮七河地方在城東五十里

統領

兼營官

一員隨同辦事委員一員差遣委員一員

辦事官一員哨官五員哨長五員什長五十名步勇  
四百名伙夫四十六名長夫二十四名搬運長夫四  
十名

左路左營馬隊

住紫七  
河地方

營官一員幫帶官二員字識一名哨官四員督隊官  
五員什長二十五名馬勇二百名伙夫三十一名馬  
夫二十二名搬運長夫二十名

右統領營官辦事委員差遣委員辦事官幫帶官  
哨官哨長督隊官什長正兵伙夫長夫馬夫大凡  
八百八十五員名



三姓城

後路中營步隊

駐紮巴彥通地方  
在城東北三十里

統領

兼營官

一員隨同辦事委員一員差遣委員一員

辦事官一員哨官五員哨長五員什長五十名步勇

四百五十名伙夫四十六名長夫二十四名搬運長夫四十名

右統領辦事委員差遣委員辦事官哨官哨長什長正兵伙夫長夫大凡六百三十四員名

礮臺

巴彥通地方礮臺五座在松花江南岸城東三十五

里距後路營壘四里光緒七年督辦邊防吳大澂奏  
請建築十年工竣臺各長二十丈寬十丈高二丈置  
十五生的密達後膛鋼礮環以土垣周一百五十丈  
官廳口間火藥庫二座小藥庫四間兵房十間馬道  
二道伏道四處

琿春城

中路中營步隊一營

駐紮紅旗河南  
岸距城八里

統領

兼營官

一員隨同辦事委員一員差遣委員一員

辦事官一員哨官五員哨長五員什長五十名步勇

四百名伙夫四十六名長夫二十四名搬運長夫四

十名

中路右營步隊一營

駐紮城東八里

營官一員辦事官一員字識一名哨官五員哨長五員什長五十名步勇四百名伙夫四十六名長夫二十四名搬運長夫四十名

中路後營步隊一營

營官一員辦事官一員字識一名哨官五員哨長五員什長五十名步勇四百名伙夫四十六名長夫二十四名搬運長夫四十名

前路中營步隊

統領兼營官

一員隨同辦事委員一員差遣委員一員

辦事官一員哨官五員哨長五員什長五十名步勇

四百名伙夫四十六名長夫二十四名搬運長夫四

十名

前路右營步隊一營

駐紮黑頂子在城南一百七里路甚崎嶇間道出城東南二道

河由俄界橫道河涉珠倫河經土門子為路七十里平坦易行

營官一員辦事官一員字識一名哨官五員哨長五

員什長五十名步勇四百名伙夫四十六名長夫二

十四名搬運長夫四十名

前路馬隊一營

營官一員幫帶官二員字識一名哨官四員督隊官  
五員什長二十五名馬勇二百名伙夫三十一名馬  
夫二十二名搬運長夫二十名

中路馬隊一哨

哨官一員督隊官一員什長五名馬勇四十名伙夫  
六名馬夫三名搬運長夫四名

右路中營步隊

駐紮煙集岡亦稱南  
岡在城西北四百里

統領

兼營官

一員隨同辦事委員一員差遣委員一員

辦事官一員哨官五員哨長五員什長五十名步勇  
四百名伙夫四十六名長夫二十四名搬運長夫四

十名

右路左營馬隊一營

駐紫煙集岡道南  
距右路中營一里

營官一員幫帶官二員字識一名哨官四員督隊官  
四員什長二十五名馬勇二百名伙夫三十一名馬  
夫二十二名搬運長夫二十名

右統領營官辦事委員差遣委員辦事官幫帶官  
哨官哨長督隊官字識什長正兵長夫伙夫馬夫  
大凡四千一百二十二員名

礮臺

外郎屯地方礮臺三座城西南十餘里光緒十四年

副都統依克唐阿奏請改築如式

光緒七年督辦邊防吳大澂奏請於

琿春扼要地方修築礮臺嗣因基址不合式至是改築

中礮臺十九丈五尺東礮臺二十丈西礮臺二十一丈五尺各置十五生的鋼礮環以土垣周一百二十三丈五尺高一丈二尺

官廳六間藥彈房三所兵房十間馬道三道

阿拉坎地方礮臺三座城東南十里光緒十四年副都統依克唐阿奏請改築如式

東礮臺高二丈一尺西礮臺南礮臺高如之各置十五生的鋼礮環以土垣周一百二十三丈七尺高一

丈二尺

官廳六間藥彈房三間兵房十間馬道三道

水師營

夏則梭巡於三姓阿勒楚喀伯都訥之松花江上下游冬則駐紮於三姓巴彥通及賓州廳之夾板站地方

總哨官一員辦事官一員字識一名哨官二員船長九員號令二名舵工十二名頭工十二名礮勇三十名槳勇一百零八名

右總哨官辦事官字識哨官船長號令舵工頭工礮勇槳勇大凡一百七十八員名光緒十五年設三板船三隻每船駕噶爾薩礮各二尊共噶爾薩礮



六尊四板船九隻每船駕噶爾薩礮各一尊共噶爾

薩礮九尊船制詳  
船艦門

圖們江水師營夏則梭巡於圖們江上下游  
冬則駐紮於琿春之西步江

領哨一員字識一名艙長二員號令二名舵工三名

頭工三名礮勇八名槳勇二十八名

右領哨字識艙長號令舵工頭工礮勇大凡四十

八員名光緒十五年設

三板船一隻駕噶爾薩礮二尊四板船二隻每船駕

噶爾薩礮各一尊船制詳  
船艦門

三岔口招墾總局

總理一員委員一員司事二名屯總五員通事一名  
書識三名獵戶四十名夫役十一名

穆稜河招墾分局

委員一員書識一名夫役二名

琿春招墾總局

總理一員委員一員書識四名夫役五名

五道溝招墾分局

委員一員書識一名夫役二名

南岡招墾分局

委員一員書識一名夫役二名

案以上各局員因邊防而設故次之

靖邊軍裁併之數附後

光緒六年以鞏字軍步隊二營馬隊一營駐甯古塔  
之七河以綏字軍步隊三營馬隊二營駐三姓巴彥  
通以衛字軍步隊二營馬隊二營駐琿春以安字軍  
馬隊一營駐會城歲請部庫銀五十萬兩 是年又  
以靖邊軍左路中營步隊一營馬隊一哨左營馬隊  
一營右營步隊一營右路步隊二營馬隊一哨駐甯  
古塔以靖邊軍中路中左右三營駐琿春又設靖邊  
親軍一營歲請部庫銀四十萬兩 七年以靖邊軍

中路右營一營親軍一營調往庫倫 九年以甯古

塔鞏字軍步隊二營馬隊一營靖邊親軍步隊一營

馬隊一哨

原係靖邊右路後改親軍

調往北洋防所

案是年通省實有防軍馬

隊十三營二哨

十年以原有衛字軍馬隊二營步隊二營

撤銷衛字名目改爲靖邊前路仍駐琿春以原有靖

邊中路步隊二營馬隊一哨又挑選西丹步隊一營

定爲靖邊中路仍駐琿春以原有靖邊左路步隊二

營馬隊一營一哨又挑選西丹四哨定爲靖邊左路

仍駐甯古塔以挑選西丹步隊二營馬隊一營定爲

靖邊右路駐琿春之煙集岡以原有綏字軍馬隊一

營步隊一營撤銷綏字名目又挑選西丹步隊一營

定為靖邊後路仍駐三姓以原有安字軍馬隊一營

撤銷安字名目駐會城以親軍步隊靖邊右路改一營又

挑選西丹步隊一營駐甯古塔又挑選西丹馬隊二

哨駐琿春定為靖邊親軍三營三哨案是年通省實有靖邊五路一

軍馬步二十營三哨是年設邊務文案總理邊務糧餉總理

邊務營務總理以下各員名員數詳前又設轉運軍械局

總理一員辦事委員六員差遣委員五員書識七名

十一年每營兵勇裁十成之一案原定營制仿湘淮軍以步隊五百

名馬隊二百五十名為則是年裁減勇營凡中前左右四路並親軍步隊定以四百五十名馬隊二百二

十五名惟後路三營以地要兵單如原定勇數步隊每營長夫裁二十四名

馬隊每營長夫裁十二名共裁兵勇長夫一千一百

餘名 是年抽撥右路步隊一營左路馬隊一營步

隊一營歸入吉字軍案是年通省實有馬步十七營三哨十三年以

口路步隊一營馬隊一哨試辦黑頂子屯墾 十四

年以前路前營馬隊一營後路左營馬隊一營改爲

礮臺營 是年冬仍將礮臺營改爲馬隊案是年初購克鹿卜

鋼礮四十尊專備礮臺營操演迨改回馬隊將鋼礮分撥步隊營操練 十六年裁黑

頂子屯墾撥還靖邊軍步隊一營馬隊一哨 是年

裁轉運軍械局總理以下各員名 十七年以前路

馬隊一營改松花江水師營又以馬隊改圖們江水師爲一哨

光緒七年將軍銘安奏言吉省東北一帶與俄接壤水陸毗連從前劃界僅設卡倫並無防兵屯守近據各處探報俄界之伯力紅土崖雙城子等處選練兵隊建造營房竟無虛日夷情叵測詭譎多端未可因和議已成稍爲鬆勁儻我處或備防略弛彼族必猖獗依然此本省各處防軍不可裁撤之實在情形也

臣與三品卿銜吳大澂先後奏請添練防軍馬步隊五千名歲請餉銀五十萬兩嗣經新授庫倫辦事大

臣喜昌奏請續練防軍馬步隊五千名歲請餉銀四十萬兩除喜昌帶領一千人前赴庫倫外實有防軍九千名防餉銀八十餘萬兩查省城各城練隊共四千五百餘員名歲撥各省協餉三十萬兩合計吉省防練各軍共一萬三千五百餘名防練各餉共一百一十餘萬兩

國家之帑項至爲艱難若不力節虛糜深恐難以持久現在俄事雖已定議正當卧薪嘗膽力求自強而欲使邊境之乂安必先清內地之盜賊臣統籌全局擬請將吉省防軍練軍防餉練餉合而爲一於防軍九



千名內裁撤二千名於練軍四千五百餘名內裁撤  
五百餘名共留兵勇一萬一千名歲領部餉一百萬  
兩三姓琿春各留紮兵勇二千五百名甯古塔留紮  
兵勇二千名以此七千名作爲防軍其餘四千名分  
布各城照舊巡緝甯古塔琿春三姓三處各於防軍  
內抽撥三百名更換緝捕以靖地方通盤覈計吉省  
可裁撤兵勇二千五百餘名節省餉銀十餘萬兩從  
此內外兼修及時規畫庶冀一勞永逸可期長治久  
安大抵兵以勞而強以逸而弱目下事機已定邊釁  
可以不開而防軍九千人歲費餉銀八十餘萬兩雖

督飭將領盡心蒐討第在防屯守既無戰陣之事無  
奔走之勞日久懈生勢所必至不待智者而始知也  
今防練各軍既不患其偏枯復可互相聯絡甯古塔  
三姓琿春共留防軍七千人分紮要隘洵足固疆圉  
而壯聲威再於各處抽撥三百名更番巡緝各清各  
界既可以均其勞逸復可以振其精神卽邊界遇有  
賊匪防軍一體搽拏俾免竄入俄境致開邊釁省城  
及各城有四千練隊碁布星羅互相聲援足敷調遣  
再由臣督飭將領勤爲訓練使其食用無缺自能所  
向有功如此變通辦理可以固封守可以靖地方並

可以節餉項實一舉而三善備焉矣

據檔册

十年將軍希元奏言查六年原練防軍本非定額七年專設督辦時合鞏衛綏安及靖邊各軍共二十營三哨每年議定由部撥領餉銀八十二萬兩分防甯古塔三姓琿春各要隘無如地勢遼闊與俄夷接壤者南北千有餘里當時邊軍萬人分布各處本未裕如九年吳大澂選帶馬步三千人前赴天津鞏字一營全數離吉其餘抽調各軍復皆選其精壯所賸十二營利器亦所存無多而且奇零湊雜營制紛歧爲今之計惟有添練數營略張聲勢冀可建威銷萌擬

請照吳大澂督辦時所設防軍原額由旗營挑選精壯西丹三千人一律補足並撤銷衛綏安名目統依靖邊原名分爲五路俾可悉臻整飭卽日後地方靜謐概撤歸旗亦不致如民勇有易聚難散之弊其應用軍械馬匹及一切事宜亦照舊章如數置備俾得加緊訓練及早成軍至邊餉原額年年由部撥銀八十二萬兩本有成數可循現旣請補兵額則餉數自應如舊伏乞

飭部照吳大澂奏劃三十二萬兩仍自七月起分季籌撥給領其截曠之數卽爲添置一切軍裝之用

七月又奏稱邊軍各差務關防大半隨隊赴津自應刊刻頒發以資蓋用計現頒木質關防六顆曰督辦吉林邊務文案處之關防曰督辦吉林邊務糧餉處之關防曰督辦吉林軍械轉運局之關防曰幫辦吉林邊務文案處之關防曰幫辦吉林邊防營務處之關防其餘各軍關防鈐記體制不一或有或無應俟新舊各軍補練齊全再行一律頒發云云

十月又奏言准部咨遵議以東三省爲根本重地吉林逼處俄疆邊防尤關緊要不得不先其所急以固

邊圉擬卽准如所請由旗營內挑選精壯西丹三千人補足吉林防軍原額統改爲靖邊營其應領防餉亦准每年由部庫添撥銀三十二萬兩以足原定八十二萬兩之數自奏報成軍之日起分季派員赴部支領以濟要需並令將改定營務章程及防勇花名成軍起支餉項日期先行造冊送部以憑稽覈奉

旨依議欽此恭錄飛咨前來遵將內外各城所選精壯丁丹三千零五十人挑齊內有獵戶礮手一百五十人分隸添練之馬步七營一哨以補足吳大澂帶赴津防各營之數連原有留防之馬步十三營二哨歸併

編入統計馬隊七營三哨步隊十三營共爲馬步二十營三哨仍合防軍原練之額一律統爲靖邊名目分作五路一軍當由臣等慎選得力將領於十月初一日起添練成軍當飭各將領各帶所部馳赴防所認真訓練務使技藝精強悉成勁旅庶幾緩急足恃至從前邊防靖邊兩軍營制紛歧月領餉項未能劃一現經悉心覈定自統領以至馬步各隊營哨官弁勇夫暨各局處辦事委員書手月需薪水公費口糧馬乾一切數目比照先前支銷各案酌量增減定爲營制新章俾歸一律凡新章內所無如前之親兵護

勇領旗及柴草銀兩各名目盡行裁汰以省冗費即  
遵部臣奏定於十月初一日成軍之日起照依新章  
支領餉項

從之

十五年吉林將軍長順黑龍江將軍依克唐阿奏查  
松花一江直達兩省南爲吉界之伯都訥阿勒楚喀  
三姓地面北爲黑龍江呼蘭巴彥蘇等處地面沿江  
上下袤延千餘里兩岸柳條叢密而江之中縈迴紆  
曲又多沙灘孤洲或十餘里一灘或數十里一洲凡  
遇灘洲之間均多柳條樹木四面皆水環繞每到夏



天盜賊恃爲巢穴商船往來多有搶劫官兵無船實  
難剿除非設立水師礮船分段巡緝合力摻捕不能  
制其死命今擬變通淮軍水師章程參以此間形勢  
先修造大舳板船一號駕礮二尊以總哨官一員帶  
之舳板船二號每船駕礮二尊以哨官二員分帶之  
四板船九號每船駕礮一尊用艙長九名分帶之每  
哨官節制艙長三名統歸總哨官管轄共用頭工艙  
工各十二名礮勇三十名槳勇一百零八名外辦事  
官書識一名號令二名均歸總哨官之船管理分泊  
三姓阿勒楚喀伯都訥三處常川梭巡庶盜匪無所

隱匿實用力少而收功多也惟帑項支絀未便遽請  
部款去冬曾將靖邊礮隊兩營奏明改回馬隊兩營  
共礮四十尊馬二百八十四匹分撥步隊十營照常  
操練茲閱該馬隊官勇多籍隸南方習知水性以一  
營改爲水師則兵不另募餉亦不必另籌當將官弁  
勇目分別挑選定妥其馬乾一項仍須分撥步隊十  
營爲拉礮馬匹之需至現在造船及將來三年大修  
九年改造等項經費暫由吉林另行籌款隨時報部  
立案

十月長順又奏吉林朝鮮以圖們江爲界此次查出

沿江私設橋渡已飭督理和龍峪商務總局委員章  
鴻錫會同朝鮮邊界官概行撤毀仍照章在光霽峪  
分卡並西步江分局開市處所對岸設渡所有來往  
商民彼此驗照方准放行以杜漏稅及越墾之弊惟  
是沿江上下數百里巡查不易况俄人現復與朝鮮  
陸路通商則我之琿春一帶交涉事件勢必更增繁  
重臣擬於圖們江設立三板礮船二號上下梭巡於  
邊防亦不無少補其礮船一切悉按本年四月奏設  
松花江水師礮船章程辦理至冬令封江之後卽將  
船上弁兵並酌撥隊伍扼要巡緝俾臻嚴密

吉林通志卷五十四

武備志五 兵志五 吉字營練軍

吉字營練軍之興肇於光緒十一年以籌備東三省  
邊防

特簡練兵大臣會同各將軍分別辦理福州將軍穆圖善

實始其事名吉林省爲吉字營初年挑選兵丹五千

人成軍次年撤半歸旗續調二千五百人補之又次

年再撤半歸旗續調二千五百人補之期以三年實

成練軍一萬人更番加練周而復始非有重大軍務

奉

旨出征不准擅調一應事宜經軍機王大臣神機營王大臣總理各國事務王大臣會議奏定隸海軍衙門管理歲需餉械均由海軍衙門關領練軍大臣駐於奉天省城大臣以下有總統有幫統有統領有管帶各官分駐三省而各城副都統悉聽大臣節制云

總統一員幫統一員由練軍大臣奏派知兵大員駐於會城督飭訓練兵丹

營務總辦一員會辦一員

文案總辦一員會辦一員

左翼練軍營駐紮東門外

統領一員隨同辦事委員一員差遣委員一員辦事  
官二員

馬隊一營營官一員幫帶官一員字識一名哨官五  
員督隊官五員什長二十五名西丹二百二十五名  
步隊四營每營營官一員共營官四員辦事官一員  
共辦事官四員字識一名共字識四名哨官五員共  
哨官二十員哨長五員共哨長二十員什長五十名  
共什長二百名西丹四百五十名共西丹一千八百  
名

右翼練軍營駐紮西門外

統領一員隨同辦事委員一員差遣委員一員辦事  
官二員

馬隊一營營官一員幫帶官一員字識一名哨官五  
員督隊官五員什長二十五名西丹二百二十五名  
步隊四營每營營官一員共營官四員辦事官一員  
共辦事官四員字識一名共字識四名哨官五員共  
哨官二十員哨長五員共哨長二十員什長五十名  
共什長二百名西丹四百五十名共西丹一千八百

名  
以上據  
冊報

軍器 來福前膛步槍四千桿 克虜卜礮二十尊

礮車

全 洋馬槍一千桿

毛瑟槍三千桿

佩袋如槍數

哈乞開斯槍十一桿

佩袋如槍數

籐牌六十面

白蠟

桿九百根

藍白帳棚五百二十架

棚桿鐵鏟如帳數

貓

耳刀槍八十桿

雙手虎頭鈎八把

雙手帶大刀

八把

春秋大刀二十把

雁翎刀八把

鳳翅槍

四桿

單刀四十把

木單刀二十把

木雙刀八

把

開花子六千箇

開花信子六千箇

葡萄子

二千箇

葡萄信子二千箇

葡萄子銅壳二千箇

葡萄子螺絲二千箇

以上光緒十二年領

光緒十一年神機營王大臣奏竊維防邊之要首在



審地勢察敵情先事圖維擇要布置而選將練兵尤其急務也東三省統轄至廣

盛京十四城爲邊門者二十餘吉林入城爲邊門者四黑龍江六城舊設卡倫之區七十一從前中俄立界於尼布楚開市於恰克圖斥埃之設多在中路北徼而東方則晏然無事也自咸豐年間分界以後黑龍江以北烏蘇里江興凱湖以東數千里之地悉歸俄屬於是吉林黑龍江二省遂無師船出海之口而邊事因之日亟矣且圖門江一帶界址至今尙多轉轄邊情反覆勢難久恃查吉林黑龍江省與俄之阿穆

爾省一江之隔其省城在海蘭泡與我黑龍江副都  
統所治之城相望沿江上下皆敵壘也吉林省與彼  
之東海濱省毗連其新設酋長駐海參崴雙城子又  
別屯兵於巖杵河摩闊崴諸處而以駐紮伯力之重  
酋聯絡其間其兩省額兵度亦不少常招徠屯墾客  
戶編爲民兵以輔其不足近且逼瑋春爲壘開通圖  
們江東岸以窺朝鮮北境行船松花江以窺三姓上  
游情殊叵測吉林所最要者瑋春一城與彼逼壤其  
西南接連朝鮮之慶源慶興兩府一葦可杭毫無障  
隔三姓一城水路上距伯都訥之三岔口一千餘里

自三岔口西南陸路由蒙古郭爾羅斯界經蒙古草地直抵奉天之法庫邊門不及千里最爲便捷然則該兩處最宜注意一以便保護朝鮮北境一以屏蔽我松花江上游伯都訥腹地此吉林大略情形也黑龍江爲吉林脣輔上游有內興安嶺一帶爲之阻隔設防宜在下游舊設卡倫今存四十七處多在呼倫貝爾以西今旣劃江爲界則卡倫宜改設東北又將軍遠駐齊齊哈爾北距黑龍江城尙八百里控制非便則副都統之任較重此黑龍江大略情形也奉天吉林皆界朝鮮吉林以圖們江爲界奉天以鴨綠江

爲界舊設鳳凰靛陽麟廠旺晴英額威遠六邊門爲扼要之地今水路則趨重旅順口大連灣一帶陸路則自同治六年奏明勘荒開墾以後邊門以外耕墾櫛比設官置戍直抵鴨綠江西非厚集兵力水陸犄角不足以顧根本而護藩邦而腹地防營似可酌量併省以節餉力此奉天大略情形也臣等查光緒六年經戶部總理衙門奏定請

飭下各省每年協撥東北邊防經費二百萬兩雖解不足額然部墊部撥之款數實相當今試以東三省兵數計之歷據該將軍等先後奏報奉天經制額兵二萬

二千八百餘名練軍馬步隊及緝捕勇丁又一萬三千一百餘名而雷正綰宋慶等軍之食江浙河南餉者猶不與焉吉林額兵現據冊報一萬一千餘名烏拉牲丁四千餘名練軍四千餘名靖邊防軍一萬一千餘名黑龍江額兵現據冊報一萬零九百餘名外馬步練軍四千五百餘名以上三省通計之共有土客兵籍幾及九萬人兵力不可謂尙單以餉數計之奉天地丁地租貨釐洋稅船規歲入銀一百三十一萬四千餘兩又各省協撥實解到銀十一二萬兩吉林歲入之款約銀四十五萬六千餘兩又部款撥銀

九十萬兩部庫墊發銀二十八萬兩各省協撥實解  
到銀六七萬兩黑龍江歲入之款約銀三十六萬六  
千一百餘兩又部庫撥銀三十四萬各省協撥實解  
到銀五萬至八萬兩不等是東三省歲需餉銀三百  
七十三萬客軍之費不在內餉力不可謂不厚當此  
艱難支柱之秋任兵事者自宜加意整飭庶幾兵歸  
實用餉不虛糜臣等公同商酌現在籌辦之策約有  
三端一曰整頓練軍查三省本已各有練軍然多寡  
不等訓練不齊日久無事漸至驕惰仍恐有名無實  
自宜立定章程重加挑練每省以五千名爲率汰弱

留強化散爲整調集合操務臻精熟一年後撤半歸  
伍續調二千五百人以補之次年再撤半補半以三  
年計之可得練軍一萬人自此更番練習週而復始  
卽可一律整齊向來東省長於馬隊現在審時度勢  
仍以步隊爲宜練軍中擬練馬隊五分之一相輔而  
行其原有馬隊較多之處可酌量裁改所用鎗枝以  
七響洋馬槍六轉手槍相間練習此於籌防之中仍  
寓節餉之意俟將來帑項充裕每省可推廣至萬人  
作爲常用軍俾資捍衛至三省民籍甚多每至流爲  
匪類儻擇其材勇者招集編伍亦可潛消內患如果

辦有成效卽以代客軍之用是一舉而兩得也一日  
籌備火器從前旗營專習弓箭火槍自泰西競尙槍  
礮日異月新其迅疾致遠實爲行軍利用總理衙門  
上年正月間行文通查外省練軍火器先後據

盛京將軍咨報捷勝長勝等營練軍及調駐客軍計練  
習前後膛洋槍者四千餘名礮兵一千一百餘名吉  
林將軍咨報冊開邊防馬步各營練洋槍洋礮者共  
五千五百餘員名馬軍步軍各營則練洋槍者約三  
千人黑龍江將軍咨報所有練軍西丹前經奏調洋  
槍洋礮教習常川操演五千名是三省操演業已并



用新法現計三省練軍需用洋礮各五千尊後膛洋槍各四千枝除該各省現有洋槍礮外尙短若干應卽如數購備應用子藥由津局造撥至洋槍名目不一用法亦不同須擇其最宜者用之將來逐漸改歸一律則器良而技熟臨敵不至參差矣一日覈定軍餉查東三省餉需以吉林爲最多奉天次之黑龍江又次之以本省入款抵用添撥無多黑龍江入款撥款各半吉林則入款不及十之三撥款逾十之七蓋自東北設防以來歲餉已增加不少矣現據三省各練兵五千人應就各該省舊有之餉從實覈計如有

不敷奏明由戶部撥給專款其購買槍礮之需一併由部籌撥俾資應用以上三事應如何安定章程一律舉辦擬請

旨特派知兵大員會同三省將軍詳細籌議奏明辦理再從前伊犁養兵之費半資屯田其法以旗漢兵每年分撥四成屯田六成差操更番爲之故可持久吉林荒地極多借使於經制兵內仿伊犁成法抽調若干成授地墾荒鑿渠灌溉以資生計雙城堡卽其明驗凡此皆於邊防大有裨益應由

簡派大臣會同該將軍等察酌情勢奏請施行云云

案是議統

論三省形勢爲練  
兵之始故備載之

是年練軍大臣穆圖善將軍希元會奏云竊吉省已  
練之兵存城無幾餘皆分防各城要隘未便調歸校  
閱惟值防務稍鬆之時可於兵力稍厚地方查照海  
軍衙門會議抽撥馬步隊三二成歸於練營稍節餉  
需<sub>臣</sub>希元自應量爲抽撥以符原奏茲將抽撥防軍  
右路步隊左路馬步各一營練軍馬隊一起共一千  
五百名隨帶馬匹槍械劃撥現食月餉以清界限<sub>臣</sub>  
穆圖善查該省所撥馬步練兵餉數稍有多寡之殊  
應照新練章程支發俾昭畫一又於食餉未練之兵

及八旗台站西丹內挑選年力精壯者二千九百七十名加入撥吉教習二十五名正藍旗護軍統領倭恆額等奏准調營兵丁十名編入歸伍合已練馬步四營添練步隊六營共足原議四千五百人之數每日先發小口糧暫行租住棧房照議立爲吉字營分爲左右兩翼仍照奉省卽按八旗分定營制於八月初一日一律點驗開練成軍起支正餉各營旗幟號衣均已製辦齊備約計吉省挑馬步十營除由吉省抽撥已練之馬隊兩起步隊兩營隨帶現食月餉銀九千八百九十七兩零不計外新挑步隊六營餉乾

將領員弁各費各局薪水每月實需正餉銀一萬九千五百七十三兩零其餘修蓋營房製辦旗幟號衣及各營購備器具照章支銷各費尙在月餉之外至於紮營基地已擇定東西門外卽飭總統等督率馬步練軍趕緊修築營壘使兵早日歸營專心操練並飭將未盡事宜遵照立定規模妥爲經理如遇緊要事件應由倭恆額等隨時咨請臣希元酌辦臣穆圖善於辦理就緒之後卽赴黑龍江開辦俟該省成軍仍由吉回奉挨次校閱總期成爲勁旅一兵得一兵之用

十七年海軍衙門覆奏今據定安等奏稱現在東三省練軍三班換練旣多窒礙不如增添馬隊酌改步隊擬將每省步隊八營改爲八起每起步隊以五百五十人爲率每省各練步隊二千人原有馬隊兩起再增馬隊兩起合成馬隊一千人仍符九千人之數但擇得力不分制兵西丹三年之後查看情形撤練歸旗再調一班接練如准出營制兵則令歸伍西丹則令歸農各聽其自謀生計不給津貼儻遇征調除實有事故者不計外其餘均按冊挨傳到營之日仍照章支餉所有各該營夫銀酌減覈算照現派官兵

人數另款提存約有十萬餘兩俟征調之時再行奏  
明支銷覈計三省所增馬隊銀數比較酌改步隊餉  
數不過增銀三萬數千兩而以節省之津貼劃抵尙  
有盈餘盛吉兩省隨帶餉乾仍循其舊等語查該大  
臣等所陳係爲整頓軍實因時制宜起見自應准如  
所請辦理惟一兵必須得一兵之用務求年力精壯  
者以充是選尤貴隨時隨事加意講求稽其勤惰如  
有身體輒弱不堪訓練者立加裁汰庶幾緩急可恃

從之

謹案吉字營練軍則於本省練軍而外就額兵西

丹重加選調集駐於吉林省常班合操營制餉章  
視內省勇營大致相似而總統幫統則皆侍衛大  
臣奏派前來下逮統領管帶薪水均優歲約五十  
餘萬金以供全營軍需班兵之制本德國民兵程  
法每下番時月給津貼銀一兩俾無他役甚盛典  
也乃換班之始大臣穆圖善遽以疾卒前黑龍江  
將軍定安奉

命代之至光緒十口年練軍始成將軍會銜奏事而軍中  
黜陟進止悉稟大臣每屆換班之期大臣按臨會  
將軍選調兵丹以合於營則總統幫統躬治其役



季課月校將軍亦不甚預聞也近數年來大臣更  
不親行每歲冬操遣總統一人來吉閱視一年之  
事數日而畢草草從事賞罰亦祇具文其有名無  
實固不待用之而始知也古云有治法無治人豈  
不諒哉

附前代兵制

東漢時夫餘國以弓矢刀矛為兵

後漢書一百十五

挹婁自漢興以後臣屬夫餘種眾雖少而多勇力又

善射發能入人目弓長四尺力如弩矢用楛長一尺

八寸青石為鏃鏃皆施毒中人即死

同上

高句驪其人性凶急有氣力習戰鬪

同上

東沃沮有邑落長帥人性質直疆勇便持矛步戰

同上

濊能步戰作矛長三丈或數人共持之

同上

肅慎氏有石弩皮骨之甲檀弓三尺五寸楛矢長尺

有咫

晉書九十七

勿吉國其人勁悍其部類凡有七種一號粟末部勝

兵數千二伯咄部勝兵七千三安車骨部四拂涅部

五號室部六黑水部七白山部勝兵並不過三千自

拂涅以東矢皆石鏃即古肅慎氏也

北史九十四

渤海本粟末靺鞨戶十餘萬勝兵數萬

新唐書二百十九

遼屬國有鐵驪靺鞨兀隱北女直輝發

原作伯利原同跋

頗女直有事則遣使徵兵或下詔專征不從者討之

助軍眾寡各從其便無常額

遼史三十六

邊境戍兵以備高麗女直等國東京至鴨綠西北峰

為界黃龍府正兵五千咸州正兵一千東京沿女直

界至鴨綠江軍堡凡七十各守軍二十人計正兵一

千四百

同上

泰州德昌軍節度兵事屬東北統軍司

同上十七

長春州韶陽軍下節度兵事屬東北統軍司

同上

賓州懷化軍節度兵事隸黃龍府都部署司

同上

湖州興利軍刺史兵事隸東京統軍司

同上

渤海清化軍刺史兵事隸東京統軍司

同上

涑州刺史兵事隸南兵馬司

同上

甯江州混同軍觀察兵事屬東北統軍司

同上

祥州瑞聖軍節度兵事隸黃龍府都部署司

同上

長春路鎮撫女直室韋置黃龍府兵馬都部署司咸

州兵馬詳穩司東北路都統軍司

契丹國志  
二十二

金穆宗九年壬午募軍得甲千餘女直甲兵之數始

見於此蓋未嘗滿千也

金史

太祖二年甲午進軍甯江州諸路兵皆會於涑流水

得二千五百人

同上

十月初命諸軍以三百戶爲謀克十謀克爲猛安十

一月至鴨子河大軍登岸甲士三千七百俄與敵遇

遼兵潰獲首虜甲兵不可勝數遼人嘗言女直兵若

滿萬則不可敵至是始滿萬云

同上

金之初年諸部之民無它徭役壯者皆兵平居則聽以佃漁射獵習爲勞事有警則下令部內及遣使詣諸貝勒徵兵凡步騎之仗糗皆取備焉其部長曰貝勒行兵則稱曰明安穆昆從其多寡以爲號明安者千夫長也穆昆者百夫長也穆昆之副曰富埒瑋士卒之副從曰伊勒希部卒之數初無定制至太祖卽位之二年旣以二千五百破耶律色實始命以三百戶爲穆昆穆昆十爲明安繼而諸部來降率用明安穆昆之名以授其首領而部伍其人

金史四十四

大定間上嘗以率賓呼爾哈人驍勇可用海陵嘗欲

徙之而未能二十四年以上京刷和倫之地廣而腴  
遂詔遣刑部尙書烏哩雅出府庫錢以濟行資牛畜  
遷率賓一明安呼爾哈二明安二十四穆昆以實之  
蓋欲上京兵多他日可爲緩急之備也

同上

女直用兵戈爲前行號曰硬軍人馬皆全甲刀自副  
弓矢在後殼而不發非五十步不射弓力不過七斗  
箭鏃至六七寸形如鑿入輒不可出攜不滿百隊伍  
之法什伍百皆有長伍長擊柝什長執旂百長挾鼓  
千長則旂幟金鼓悉備伍長戰死四人皆斬什長戰  
死伍長皆斬百長戰死什長皆斬負戰死之屍以歸

者則得其家貲之半凡爲將人自執旂人視其所向而趨自主帥至步卒皆自取無從者國有大事適野環坐畫灰而議自卑者始議畢卽漫滅之人不聞聲其密如此將行軍大會而飲使人獻策主帥聽而擇焉其合者卽爲將任其事師還又大會問有功高下賞之以金若干舉以示眾或以爲薄復增之初皆騎兵旂幟之外各有字記大小牌子繫馬上爲號每五十人分爲一隊前二十人全裝重甲持棍槍後三十人輕甲操弓矢每遇敵必有一二人躍馬而出先觀陣之虛實或向其左右前後結隊而馳擊之百步之



內弓矢齊發中者常多勝則整隊而緩追敗則復聚

而不散其分合出入應變若神

北盟會編三

金人以水德凡用師行征伐旗幟尙黑雖五方皆具

必以黑為主

同上二百四十四

金人用兵專尙騎閒有步者乃簽差漢兒取勝全不

責於步惟運薪水掘濠塹張虛勢搬糧草而已騎不

以多寡約五十騎爲一隊相去百步而行居常以兩

騎自隨戰騎則閑牽之待敵而後用又有一貼軍曰

阿里喜如遇正軍病卽以貼軍代行都主兵官曰天

下兵馬大元帥次日左副元帥右副元帥左翊都統

右翊都統又其次曰逐軍萬戶每一萬戶所轄一千

戶一千戶轄十謀克

諫克謂百戶也

一謀克轄兩蒲輦

蒲輦五十

也戶自萬戶至蒲輦階級雖設尋常飲酒食口略不聞

列與兄弟父子等所以上下情通無閉塞之患其臨

大敵也必以步軍當先精騎兩翼之或進或退見可

而前弓矢亦不妄發其言曰不能打一百餘箇回合

何以謂馬軍蓋騎善乎往來衝突而已

同上

元世祖中統四年十一月女直水達達及乞烈賓地

僉軍三千人

元史九十八

至元四年十二月僉女直水達達軍三千人

同上

二十九年以咸平府東京所屯新附軍五百人增戍

女直地

同上九十九